

Malipayong pag-abot sa atong Simbahan!

Malipayon kami nga inyong gipili nga duyogan kami karon sa pagsimba sa atong Dios ug Mangluluwas, si Jesu-Cristo. Hinaot nga ang inyong panahon dinhi kay mahimong mahinungdanon ug halandumon.

Ania ang pipila ka mga kalihokan nga nagpadayon uban kanamo!

☐ **Libreng Blood Pressure & Sugar Check-up**

Pag-awhag sa mga gustong magmonitor sa ilang **Blood Pressure ug Blood Sugar** level aron maka-avail sa atong libreng check-up, nga mahitabo **matag human sa Sunday service!**

☐ **Unsa may among maampo para nimo?**

Pribilehiyo namo ang pag-ampo alang kanimo! Mahimo nimong ipadala ang imong mga **hangyo sa pag-ampo** ug **mga pasalamat** pinaagi sa text(0912 130 6148) o pinaagi sa pagsulat niini sa mga prayer card nga gihatag o pinaagi sa pagpadala kanamo og private message sa atong FB page.

☐ **I-discover ang kinabuhi uban ang atong mga Small Groups**

Looking for deeper connections and a closer walk with God? Our **small groups** are where we cultivate meaningful relationships and grow in faith together. Want to join? Visit our Information Booth after the service to find the perfect group for you!

☐ **Pabilin kamo alang sa panaghigalaay**

Gidapit kamo nga magpabilin alang sa **pakig-ambitay** ug adunay **libre nga kape** human sa service. Pahimusli ang higayon nga makahimamat og bag-ong mga higala o mangutana bahin sa atong small groups o bahin sa simbahan.

Schedules for Services:

English Service:

Morning 10:00 AM

Afternoon 01:00 PM

Cebuano Service:

Afternoon 04:00 PM

2nd Floor,
Northgate Center.
across Gaisano Country Mall
Banilad, Cebu City.

mga pamaagi
sa paghatag sa
atong **TITHES**
ug **LOVE GIFTS**

BPI Checking
Acct no: 0421-0041-16

Paypal
@livingwordnra
GCash Account
0912-130-6148

EMAIL ADDRESS
livingwordnra@gmail.com

FACEBOOK PAGE
facebook.com/lwnra

WEBSITE
www.livingwordnra.com

OFFICE TELEPHONE
(032) 517 5991

TEXT ONLY NUMBER
(63) 912 130 6148

**MGA PAAGI SA
PAGKONTAK**

Living Word NRA
Worship God. Advance His Kingdom.

Kamahinungdanon sa Espirituhanong Bunga

Ang Ministeryo sa Jerusalem:

Giatubang sa Hari ang walay Pulos nga Relihiyon

Pastor Matt Sr. | Nobyembre 23, 2025 | Marcos 11:12-25

SERMON NOTES

I. Ang Babag sa Pagkamabungahon.

Ang panggawas nga pagpakita sa relihiyon ug tradisyon, ang kakulang sa espirituhanong bunga, ug pagkamatarong inubanan sa taphaw nga pagtoo, maoy dakung babag aron makabaton ug kinabuhing mabungahon diha kang Hesus.

II. Ang Mahinungdanon sa Tinuod nga Pagsimba

Si Hesus mipahayag, nga ang Iyang templo usa ka balay alampoanan alang sa tanang mga nasud". Dili tagoanan sa mga tulisan.

III. Ang Gahum sa Pag-ampo Diha sa Pagtoo

Ang pagtutok dili lang sa gahum sa pag-ampo, apan sa gahum sa Dios nga atong giampo, ug sa atong pagsalig nga Siya maminaw ug motubag sa mga pag-ampo niadtong mga matarung. Ang tinuod nga pagtuo nagpatunghag espirituhanon nga bunga. Kini nga pagtuo dili usa ka paagi sa pagpamuhat sa Dios sa paghatag sa matag pangandoy, apan usa usab kini ka lawom nga pagsalig sa Iyang soberanong gahum ug katuyoan.

SMALL GROUP DISCUSSION GUIDE

Para sa Semana sa Nobyembre 24-30, 2025

"KAMAHINUNG DANON SA ESPIRITUHANONG BUNGA"

Alang sa Pagsugod

Ngadto sa facilitator: Gamita kini nga seksyon sa pagpaila sa hilisgutan. Kon mahimo, paghatag ug mubo nga recap sa sermon.

Pagpaambit og usa ka halandumon nga punto, usa ka espirituhanon nga leksyon, usa ka personal nga aplikasyon, usa ka pangutana, o usa ka butang nga nakahagit kanimo gikan sa wali sa miaging Domingo.

Unsa ang usa ka produkto nga imong gipalit nga lahi sa imong gilauman?

Discussion sa Grupo

Basaha Marcos 11:12-25.

1. Ngano sa imong hunahuna nga gitunglo ni Jesus ang kahoyng igera tungod lang sa mga dahon apan walay bunga? Unsa kaha ang hitsura sa "bunga" sa usa ka sumusunod ni Jesus karon (tan-awa sa Mga Taga-Galacia 5:22-23; Juan 15:8)? Unsaon nimo pagtimbang-timbang kon ang imong espirituhanon kinabuhi "dahon" apan "walay bunga" ug unsa nga mga lakang ang imong mahimo sa pag-ugmad sa tinuod, malungtarong bunga imbes nga nagpakaaron-ingnon lang?

2. Nganong nasuko man si Hesus didto sa templo? Unsay nahitabo nga gitawag niya kinig "lungib sa mga tulisan"? Ang mga gawas nga hawanan mao ray lugar diin sila tugotang mag-ampo. Nakadugang ba kana sa importansya sa gibuhay ni Hesus? Sa unsang paagi nga ang simbahan karon posibleng makapahawa og mga tawo sa aksidente? Unsa kahay hitsura niana? Unsay atong mahimo aron mahimong madinawaton ang atong simbahan? Unsaon nato pagtabang sa personal aron mahimo ang atong simbahan nga usa ka dapit diin ang mga taga-gawas makasinati sa presensya sa Dios?

3. Gipasiugda sa Marcos 11:20-21 nga ang kahoy nalaya "gikan sa mga gamot." Nganong importante man kining detalyaha? Sa unsang paagi kini nga imahe makatabang kanato sa pagsabot sa diha-diha nga pagtawag ni Hesus sa "pagbaton ug pagtuo sa Dios" sa bersikulo 22? Unsay gitudlo niini kanato mahitungod sa kalainan tali sa mabaw nga espirituwalidad ug sa lalom nga pagtuo? Sa unsang praktikal nga mga paagi nimo mapalig-on ang "sistema sa gamot" sa imong pagtuo karong semanaha?

4. Si Hesus naghisgot bahin sa pagtuo ug pag-ampo nga makabalhin og bukid (vv22-24). Unsa ang kalainan tali sa mapangahason nga pag-ampo (pagpangayo sa atong gusto) ug sa mapangandoyon nga pag-ampo (pagsalig sa Dios nga motubag)? Hunahuna ang imong kaugalingong kinabuhi sa pag-ampo: nag-ampo ka ba tungod sa obligasyon o sa pagpaabot? Unsa may mausab sa imong mga pag-ampo kon tinuod kang nagtuo nga namati ang Dios kanimo ug gustong motubag?

5. Nganong sa imong hunahuna gikonekta man ni Hesus ang pag-ampo ug pagpasaylo sa bersikulo 25? Sa unsang paagi makaapekto sa atong kasingkasing ang dili pagpasaylo? Aduna bay usa ka tawo o sitwasyon nga gibati nimong giimbitar ka sa Dios sa pagbuhi niini? Unsa nga gamay nga lakang sa pagpasaylo ang imong mahimo karong semanaha aron mahawanan ang imong kasingkasing alang sa pag-ampo ug espirituwal nga pagtubo?

6. Ang templo napuno sa negosyo ug kasaba. Unsa ang pipila ka mga butang—mga batasan, kinaiya, mga makabalda—nga nakapuno sa imong kaugalingong pagsimba o kinabuhi sa pag-ampo bag-o lang? Unsa ang usa ka butang nga mahimo nimong tangtangon o pakubsan karong semanaha aron makahimo og dugang luna alang sa Dios?

7. Gitawag ni Hesus ang templo nga usa ka balay-ampoan "alang sa tanang kanasoran." Sa unsang paagi kini makapalapad sa atong pagsabot sa pag-ampo lapas sa personal nga mga panginahanglan? Unsa may hitsura kon ang imong small group mag-ampo kanunay alang sa mga tawo nga layo sa Dios? Kanus-a ang kataposang higayon nga nag-ampo ka alang sa usa ka tawo gawas sa imong duol nga sirkulo? Unsa ang usa ka pundok sa mga tawo, nasod, o komunidad nga mahimo nimong sugdan pag-ampo karong semanaha?

SUNOD NGA MGA LAKANG

Ang mga tawo makakita sa imong "mga dahon" apan ang Dios nagsusi sa bunga.

- **Pagpamunga, Dili Lamang Dahon:** Akong susihon ang akong espirituwal nga mga gamot, dili lang ang akong makita sa gawas nga mga dahon.
- **Pagkonektar sa Tinubdan:** Akong panalipdan ang akong oras uban sa Dios isip usa ka tinuod nga "balay-ampoan," gawasnon gikan sa mga makabalda ug pagkasalingkapaw.
- **Pag-ampo sa Pagtuo:** Modangop ako sa Dios sa masaligon, puno sa pagtuo nga pag-ampo, ilabi na sa imposible nga mga sitwasyon.
- **Pagbansay sa Pagpasaylo:** Akong buhian ang dili pagpasaylo aron ang akong kasingkasing mahimong gawasnon ug ang akong mga pag-ampo dili mababagan.

ALANG SA PAGTAPOS

Tapusa ang sesyon pinaagi sa paggahin og panahon sa pag-ampo alang sa usag usa. Ikonsiderar ang mosunod samtang mag-ampo ka:

- Pag-ampo alang sa pagtuo nga nag-ampo sa maisogon, nagsalig sa hilabihan, ug nagpasaylo sa gawasnon.
- Pag-ampo alang sa mga relasyon nga motubo uban sa ubang mga Kristo-sumusunod, nga kamo magdasig ug mag-atiman sa usag usa.
- Pag-ampo alang sa imong dili-luwas nga pamilya, mga higala, ug mga minahal.
- Pag-ampo alang sa proteksyon, probisyon, pag-ayo ug kahupayan alang sa tanan nga nag-antus sa pisikal, emosyonal, mental ug espirituhanon nga kasakit.

BIBLE READING GUIDE

Nobyembre 24-----**Marcos 11:15-19**
Nobyembre 25-----**Marcos 11:20-25**
Nobyembre 26-----**Jeremias 17:7-8**
Nobyembre 27-----**Juan 15:1-8**
Nobyembre 28-----**Hebreo 11:1-12**
Nobyembre 29-----**Salmo 84:1-12**
Nobyembre 30-----**Salmo 66:16-20**